



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Matutino. 1.

urn:nbn:de:hbz:466:1-9521

SECTIO QVARTA.

Post Regulas Generales totius Officij veniendum est ad Regulas singularum Officij Partium, hoc est, Horarum, quo ritu queque sit recitanda.

SECTIONIS QVARTÆ CAP. SEX.

- 1 *De Matutino.*
- 2 *De Laudibus.*
- 3 *De Prima.*
- 4 *De Horis Tertia, Sexta & Nona.*
- 5 *De Vesperis.*
- 6 *De Completorio.*

De Matutino. Cap. I.

Matutinum, est vox antiqua in Concil. Cabilon. 2. Deducitur à Matuta, idest, aurora. sunt autem apud Autores hæc synonima pro eodem, Nocturni, Vigiliae Nocturnæ & Matutinū: de quo hic loquimur, vt est à Laudibus distinctum; nam alioquin supra diximus *Sect. 1. cap. 3. pag. 3.* constituere vnam horam cum Laudibus S. Isid. 6. *Ethymol. cap. vii.* deducit Matutinum à Stella Matutina, lucifero; quæ oritur, inchoante mane inter noctem & diem, vt hinc edicas, si media nocte cum antiquioribus illud non recites, in aurora saltem recites; sed de tempore Matutini recitandi vide supra *Sect. 1. cap. 5. iit. 6. pag. 9.* A Dijs manibus, qui restituunt lucem, dici Matutinum scriptit *Auctor Gemma Animæ, lib. 2. cap. 3. 1.* sed quid luci ad tenebras? omittamus profana.

2 Primus usus Matutini officij in Bethlehem fuit, ex Cassiano cit. à S. Isid. lib. 1. de Eccles. Off. cap. 23. nisi de officio Primæ sit ille explicandus, vt putat verius Francol. 1. part. cap. 14. congrueret autem, si illud verum esset, vt à loco Nativitatis Christi exordium sum p̄fisset Ecclesia laudum Dei. ibi enim Angeli cecine- te Deo, & Pastores laudantes benedixe- rant Dominum.

3 Ordo Matutini per se pareret in Rubr. de Matutino cap. 13. De cuius partibus, ex quibus componitur, dicemus Sectio- ne sequenti.

4 Forma ipsa Matutini vestigium ha- bet non obscurum apud Apostolum 1. Cor. 4. vt notat Baronius Ann. 57. Ait enim: cum conuenitis, unusquisque ve- strum Psalmum habet, doctrinam, Apo- calypsim, linguam, interpretationem. & vere in Matutino habemus Psalmos; Le- ctiones pro doctrina; Responsoria pro Apocalypsi, idest, reuelatione; Euange- lium pro lingua; Homiliam pro interpre- tatione: illi voce hæc habebant, voce pri- morum discipulorum; nos scripto sacro- rum auctorum, & SS. Patrum. Addit ibi- dem Paulus: *Spiritus prophetarum subiectis sit Prophetis;* quo quid aliud sig- nificatur; quām ritus ille Matutini, quo lector petit benedictionem à maiore, cui se, subiicit, antequam legat? *Hæc Ba- ronius.*

5 Nouem Psalmi in duplicibus, & semi-duplicibus dicuntur, ex Amalar. lib. 4. cap. 35. In Dominicis decem, & octo, ex eodem c. 9. vbi & distinguit primos duo- decim inter quaternos, vt hodie fit, & dicebantur cum Gloria Patri in fine singulorum; non apud omnes, vt hodie, Dur. in Rat. lib. 5. cap. 3. In Ferijs, & Festis simplicibus Nocturnum dicitur 12. Psalmorum. Greg. VII. de consecr. dist. 5. in die, iubet ex antiquo more 12. Psal- mos, & lectiones tres quotidie dici, ex- ceptis Festis.

6 Antiphonæ in Festis dicuntur nouem; in Ferijs, & Simplicibus sex tempo- re Paschali in Festis tres, vna pro quolibet Nocturno. In ferijs vna communis 12. Psalmis.

7 Absolutiones, Benedictiones, Lectio- nes, Responsoria, plura in Festis, paucio- ra in Ferijs, & Hymnus, *Te Deum,* in Sectione sequenti suis locis enodabun- tur. *Mystica nunc dicamus.*

8 Initio

8 Initio sumpto ab Oratione Dominica, à Salutatione B.M. Angelica, & à professione fidei ab Apostolis tradita, clara voce petitur apertio labiorum, & diuinum adiutorium cum signo Crucis aptissimo ante omnem actum, & cum *Gloria Sanctissimæ Trinitatis*, & unitatis laude per, *Alleluia. Duran. loco cit.* Inuitantur omnes ad diuinas laudes, quarum prima cum iubilo per Hymnum canitur, ad suagendum noctis corporem, ait Hugo lib. 2. de Offic. cap. 8.

9 Adduntur Nocturni tres in Festis ad ratam primarum trium noctis vigilarū, quas antiqui obseruabant, ex Hieron. Ep. 22. ad Eustochium, ijs verbis: noctibus bis, terue surgendum, quicquid neget *Azor. cap. 2. q. 2.* non reperiri, quod antiquitus distinctis horis noctis Nocturni cantarentur; & affirmant tamen multi ab eodem citati, *Amalarius de ord. Antiphonarij. & I sid. lib. 1. de Offic. Eccl. cap. 19.* Laudes autem quartæ Vigiliae reseruabātur. Hodie non diuiduntur Nocturni, stāte consuetudine vim legis habente; & significatur vna Ecclesia iustorum omnium, eorum, qui ante legem, sub lege, post legem, ex *Amalar. lib. 4. cap. 9.* ideoque in tertio Nocturno legitur Euangelium tempori gratiae congruum, inquit *Gemma lib. 2. cap. 14.*

10 Nouem autem Psalmis gratias agimus Deo de descensu eiusdem propter nos, & ad nos sub nouem Choris Angelorum, in Festis nimirum Domini, at in Festis Sanctorum; eo quod digni facti sunt illi ascendere usque ad altitudinem cæli, in quo habitant ijdem Chori Angelici. Hęc *Amalar. fusè de ord. Antiph.* Vel ter tria cantamus cum Angelis, ait *Dur. loco cit.*

11 Decem, & octo Psalmi Dominicales ita distribuuntur, ut primi 12. per quartos diuini significant Patriarcharum 12. & Apostolorum totidem cultum erga S. Trinitatem, per quatuor virtutes Cardinales. *Amal. loco cit.* Reliqui tres in secundo, & tertio Nocturno significant electos sub lege, & sub gratia, cum eodem cultu S. Trinitatis idem *ibidem.*

12 Duodecim verò Psalmi feriales ea ratione sunt constitui, quia duodecim sunt horæ noctis, & cuilibet hora Psalmus respondeat, *Amalar. cap. 11.* Qui dicuntur bini ad caritatem excitandam, ex *Hugon. Viæt. Spec. Eccles. c. 3.*

13 Versus, quo vertimur ad Deum, renouat intentionem debitam in Officio: *Amalar. loco cit.* Oratioque Dominicæ dicitur, ut postulemus à Deo sapientiam, & intellectu doctrinæ, ut docuit ex *Iacob. 1. Dur. lib. 5. c. 2.* altè recitato versu: *Ego* ne nos, &c. & communiter (reliquum secreto, & singillatim) propter Sanctorum Communionem, inquit *Hugo Spec. c. 3.* & eadem de causa fit Absolutio, ut simus capaciores doctrinæ salutaris.

14 Lectiones namque doctrinam continent; quæ ternæ sunt in honorem Trinitatis, à qua doceimur. *Hugo 2. de Offic. c. 9.* In Festis nouē ex sunt, quæ ex *Amal. loco cit.* coniungunt nos doctrinæ, & conuersationi nouem ordinum Angelicorum; sicut & gaudijs ipsorum coniungunt nos nouem, quæ sequuntur, Responsoria. *Idem.* Vel Responsoria post doctrinam excitant nos ad opera, unde ad ea surgiimus. *Idem de Ord. Antiph. c. 1. T 4.*

15 Et quia tempore gratiæ locutus est magis, quam in alijs statibus ante legē, & sub lege; ideo in fine tertij Nocturni, si dicendus est, cantatur Hymnus, *Te Deū.* Fusiūs *Hugo Viæt. Spec. Eccl. loc. cit.* & singillatim hęc habes infra, *Seit. seq.*

De Laudibus. Cap. II.

1 **L**audes dictæ sunt, ex *Hug. lib. 2. de offic. c. 10.* eo quod Laudē aper- te sonant diuinā, quod repetit in *Spec. Eccles. c. 3.* Matutinale officium appellantur ab *Amal. lib. 4. c. 10.* Matutinū quoque dicuntur in Rubr. de Precibus n. 5. quia sunt pars Matutini Officij, & ideo non finitur Matutinum separatū à Laudibus cū Oratione, neque cum *Benedicamus Domino;* ut notauit *Hugo lib. 2. de offic. cap. 2. T 9.* Amalar. autem in prologo de ord. Antiph. tellatur de consuetudine Romana, quod Laudes Matutino statim iungantur.

2 Obij-